

գնաց յայլ ուրեք, և ես դարձայ յԱլեկոնայ առ ոտս աշակերտի տեանն Ոսկանայ արհիեպիսկոպոսի՝ տեանն Կարապետի վարդապետի, և ուսայ ի նմանէ կարհետ շարքարդութեան և մնացի ընդ վեհին Ոսկանայ արհիեպիսկոպոսի և քեռորուց նորա Սողոմոնի ամս շորքեռասան... և զկեցի փոխելոցն եղաց առ աստուած (ընդգծումն իմն է.—Շ. Գ.), և իմ տեսեալ զշարակրութիւն և զանազորութիւն յամենայն կողմանց, վասնորոյ դիմեցի յերկիրն Հօլանդիոյ ի վաչելուց քաղաքն յԱմստերդամ...»: Հիշելու Կարապետ վարդապետը Անգրիանացին) Ոսկանի Լիվոնեոյում հիմնած տպարանում գործում էր 1669—1670 թվականներին: Ուրեմն, այդ թվականներից սկսած 14 տարի՝ այսինքն մինչև 1683—84 թվականները, Մատթեոսը ծառայում է Ոսկանի և նրա քեռորդի Սողոմոնի մոտ: Ընդգծված բառերը ցույց են տալիս, որ Մատթեոսը խոսում է ոչ թե միայն Ոսկանի, այլև Սողոմոնի վախճանված լինելու մասին<sup>9</sup>: Մատթեոսը Մարսելից տեղափոխվում է Ամստերդամ, տառեր ձուլել տալիս ու հիմնում իր սեփական տպարանը: Թե ինչ է լինում Ոսկանի տպարանը, Մատթեոսը չի ասում: Հավանաբար նրա գնացուց հետո է Պետրոս Զուղայեցին ձեռնարկում դեռևս 1669-ին Ոսկանի սկսած «Շարակնոցի» տպագրութեան ավարտման գործին: Այդ գրքի հիշատակարանում ասվում է. «Աւարտեցաւ տասն երաժշտական, որ և կոչի Չայնթաղ շարականոց. ի տպարանի ս. աթոռոցն էջմիածնի և ս. Մարգրի գորավարին և տեանն Ոսկանայ վարդապետի Երևանցոյ Տանգուցելոյ ի Քրիստոս, որ և զայն գիրքս ինքն էր սկսեր և մնացեալ էր այնպէս կիս գատար (կիսակատար)»: Եւ յետոյ ես նուստս ամենից Պետրոս Զուղայեցի ծառայելով տեանն Ոսկանայ վարդապետի և ուսայ ի նմանէ, զարհետ շարքարդութեան: Եւ սկսեցի զմնացեալն և հասուցի յաւարտ ի հայրապետութեան տեանն Եղիազարու ամենայն Հայոց կաթոլիկոսի»:

Պետրոս Զուղայեցու որևէ այլ տպագրութիւն հայտնի չէ: Ըստ երևույթին տպարանը այդ ժամանակներում անցել է պարտատերերին, իսկ սրանցից էլ Կ. Պոլսի կաթոլիկ հայերին:

Կա տարածված մի կարծիք, ըստ որի Ոսկանի տպարանի գույրն ու տառերը, որ պարտքերի դիմաց գրավի էր մի Ամստերդամցի, 1729 թ. Մխիթար Սեբաստացին իր բարեկամ, վաճառական Հարությունի հիշողով գնել և տեղափոխել է Վենետիկ<sup>10</sup>, Մխիթար Սեբաստացու կողմից Ամստերդամից հայկական տառեր ձեռք բերելու փաստը մեջ, մեր կարծիքով, շփոթութունն կա: Ըստ երևույթին նա ձեռք է բերել ոչ թե Ոսկան Երևանցու, այլ Վանանդեցիների տառերը: Վերջիններիս տպարանը դադարել և նրանց տառերն ու գույրը պարտատերերին էր անցել 1717 թ.: Գրանից 12 տարի հետո Մխիթարի կողմից այդ տառերը գնելը ավելի հավանական է:

Ճիշտը թեոյիկի կարծիքն է: Խոսելով Վանանդեցիների տպարանի 1717 թ. փակվելու մասին, նա ասում է. «12 տարի վերջ Մխիթար Սեբաստացի հայ առևտրականի մը միջոցով նորիջանեանց տառերու մայրերը ծախու կանն և կը փոխադրէ զանոնք Վենետիկ»<sup>11</sup>:

Թե ստույգ ո՞ր թվականին են կաթոլիկները հիմնել Բեգօղլի թաղամասի իրենց տպարանը զժվար է ասել Այս հարցում և տեղեկութունների միակ աղբյուրը նրանց տպագրած գրքերի տիտղոսաթերթերում ցույց տրված տարեթիվն են: Գ. Գալմբյարյանը (նրան հետևելով նաև Ալպոյաճյանը) հիմնվելով կաթոլիկների 1696 թ. տպագրութիւնների վրա, նրանց տպարանի հիմնադրման տարեթիվը համարում են 1695 թ.<sup>12</sup>: Մինչդեռ, ինչպես կոտեսներ ստորև, կաթոլիկների մեզ ծանոթ առաջին թվալիք գիրքը 1692 թ. Ամստերդամի տպագրութիւն ցույց տրված «Շարակնոցն» է և սույնում այդ տպարանի հիմնադրման տարին պետք է 1691 կամ 1692 թ. համարենք, քանի դեռ ավելի հաստատ ու ստույգ թվականը չի պարզված:

Այժմ տեսնենք, թե ի՞նչ գրքեր են լույս տեսել այդ տպարանում և ովքեր են մասնակցել գրանց տպագրման և հրատարակման աշխատանքներին:

<sup>9</sup> Քրանսիացի Օբրի դը Մոտրեյը իր Համփորդական նոթերում (Aubry de la Motraye, Voyages, t. 1, p. 371) վկայում է, թե 1704 թ. Կ. Պոլսում հանդիպել է ոմն Սողոմոնի, որը Քրանսիայի դեսպանի հովանավորութեամբ «ըմբոստ գրքեր էր տպագրում հայերեն լեզվով»: Ենթադրում են, որ այդ Սողոմոնն ինքը Սողոմոն Առնյանն էր (սե'ս 2, Ս. Անայան, XVII դարի ազատագրական շարժումներն Արևմտյան Հայաստանում, ՀՄՍՒ ԳԱ հրատ., 1961, էջ 180—181): Մեր կարծիքով դա հավանական չէ:

<sup>10</sup> Յոն վ հ, Թ ո ռ ո ս ե ա ն, Վարդ Մխիթարայ Աբրայի Սեբաստացու, Վենետիկ, 1901, էջ 431—432.—Յ. Ե. Գ ո ս Ր ի ե գ, Հայերեն գրքերի տպագրութիւնը Ամստերդամում 17—18-րդ դարերում, ՀՄՍՒ ԳԱ «Տեղեկագիր» (հաս. դիտ.), 1963, № 2, էջ 91—92:

<sup>11</sup> Թ է ո գ ի կ, Տիպ ու տառ, էջ 168:

<sup>12</sup> Գ, Գ ա լ է մ ք ե ա Ր ե ա ն, Կենսագրութիւններ երկու հայ պատրիարքներու, էջ 84: